

地 220.117
39.1
部 = 219

增補甘泉縣志

拾玖函

增修甘泉縣志卷二十二

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

碑碣志

衡山禹碑

會刻於揚州 迺旃瑣言

漢俞鄉侯季子碑

右漢俞鄉侯季子碑云君諱熊字孟下闕一字廣陵海西人也厥祖天皇帝垂精接感篤生聖明子孫

增修甘泉縣志

卷二十二

碑碣

一

官之分源而流枝葉扶疏出王別胤受爵列土封侯載德君光武皇帝之元廣陵王之孫俞鄉侯之季子也由是而後文字缺滅其稍稍可讀者時得其一二云六籍五典如源如泉既練州郡卷舒委隨化流南城政猶北辰三祀有成來臻我邦仁恩如冬日威猛如夏日吏民愛若慈父畏如神明其後又言採摭謠言作詩三章據碑文無卒葬年月而其辭若此似是德政碑按後漢書光武皇帝子曰廣陵思王荆荆子元壽等四人皆封鄉侯史畧而不載其名俞鄉侯者不知思王荆之第幾子也天皇帝之語自漢以來

有之矣 集古錄

集古錄云隸書不著書撰人名氏其碑但曰來居此邦不書郡縣之名不著所立年月今在揚州 輿地碑目

後漢俞鄉侯季子碑云云歐陽公以是爲德政碑耳天帝書曰天皇大帝北極居中一星也予嘗笑司馬子長作高帝本紀於太公不著其名於劉媪不顯其姓豈真以爲龍種而龍生之大非人族也耶今碑言厥祖天皇大帝垂精接感不其然乎亦太奇矣生而稱其名曰諱漢碑多然太上名熒更見唐宰相表又沈約曰漢高帝父名執嘉執嘉之母夢赤鳥若龍戲已而生執嘉昭靈后游洛地有玉雞赤珠刻曰玉英吞此者王餘與史記同 偶得紺珠

續志考正趙明誠金石志作漢酸棗令劉熊碑云在酸棗趙志多駁正歐錄前志引輿地碑目但援集古錄語不書郡縣之名不著所立年月而云今在揚州似未嘗見趙志者碑明曰海西人卽不在酸棗亦當屬海州境

定武蘭亭刻石

薛紹彭旣易定武石刻祐陵取入龕置殿閣靖康之亂金人盡取御府珍玩以北此刻非所識獨得留焉

宗汝霖爲留守見之并取內帑所掠不盡之物馳進高宗時駐蹕維揚日置左右諭月敵騎大至倉卒渡江因此竟再失之向子固爲揚帥高宗嘗令冥搜之竟不獲

石刻補敘

宣德四年揚州某寺僧舍發地得二石乃蘭亭舊刻兩淮轉運使何士英命工截齊合之爲一前所存者十八行止猶不二字後存者十行起能不二字明年士英致仕遂攜歸金華此卽歐陽率更所搨也

萬曆江都

縣志

義獻六十帖并釋文

增修甘泉縣志

卷二十二

碑碣

三

明學士黃諫用端溪石摹勒二王草書共六十幅每書後用正字藏揚州高光祿家

嘉靖江都縣志

南齊褚氏遺書刻石

褚澄撰多言修養及醫藥事刻石十八片以爲柳太清二年題曰有齊褚氏所歸後爲廣陵蕭廣所得遺命子淵復爲柳淵用石一片刻敘其上葬於揚州城北三十五里陳源橋久之亦被發其書始傳

同上

隋釋慧海旌德碑

在江都安樂寺秘書學士王脊文

續高僧傳

隋釋慧覺紀行碑

在江都慧日寺秘書舍人虞世南文 同上

唐釋住力碑

在江都長樂寺東宮庶子虞世南文 同上

歐陽詞化度寺碑翻刻

亦黃諫摹勒在高錦衣家 嘉靖江都縣志

姚崇記德碑

在揚州 輿地碑目

龍興寺慎律和尚碑

九域志云在揚州龍興寺唐李華文張從申書李陽

冰篆額時人謂之四絕碑 天下金石志

增修甘泉縣志 卷二十二 碑碣 四

慎律姓郭氏江都人天寶七載滅於龍興寺別院塔

於西蜀岡之原大曆八年立碑 宋高僧傳

按慎律師碑王象之輿地碑目作謹律師當

是避孝宗御名

淮南節度使崔圓頌德碑

唐李華撰張從申正書大曆二年正月 金石錄

唐白鵠廟池碑

在揚州柳識文張從申書 寒山金石林

唐崇夫人墓誌

保大中廣陵沿城隍得石誌一片或云是李白之詞

南唐
近事

按鈔本鄭文寶南唐近事載此誌云山水秀
分碧穹窿夫人墓兮直其中崇姓見廣韻夫
人莫考

邵伯埭謝公廟碑

唐顏真卿書 黃山谷外集

唐淮南節度行軍司馬廳壁記

李翰撰 文苑英華

南都梁山倉記

唐沈亞之撰在揚州 輿地碑目

增修甘泉縣志 卷二十二 碑碣 五

續志考正都梁屬今泗州盱眙唐時隸揚州不得
在江都境

大唐岐國杜公淮南遺愛碑銘

權德輿撰 同上

唐淮南節度使李瑀遺愛碑

在揚州無撰書名氏 明一統志

唐淮南監軍韋元素碑

丁居晦撰柳公權正書開成三年七月 金石錄

唐侍御史攝御史中丞贈尚書戶部侍郎李公墓誌

葬揚州禪智寺側梁肅撰 文苑英華

續志考正梁肅志文內明言先藁葬禪智未幾歸
窆此志作于歸窆日並不在揚

揚州江陽縣向善寺靈識和尚塔銘

唐崔膺撰

萬曆揚州府志

唐揚州處置使杜佑題名八角石柱

在寶城興教寺內久沒於池水中成化十六年旱池

涸柱復出

嘉靖江都縣志

唐淮南節度使崔從碑

蔣紳撰柳公權正書大中八年

金石錄

獻淮南陽兼書情五十韻刻石

增修甘泉縣志

卷二十二

碑碣

六

唐劉權作儲權書

墨池編

禪智寺三絕碑

唐吳道子畫寶誌公像李太白贊顏魯公書謂之三

絕

雍正江都縣志

吳尋陽長公主墓誌銘

厲鶚撰

續志考正誤作厲鶚撰碑在雍正間出土舊藏羅

氏乾貞三年三月危德興撰詳藝文

南唐泰州刺史陶公墓誌

徐鉉撰

騎省集

南唐朝議大夫行尚書禮部郎中柱國賜紫金魚袋太

原王君墓誌銘

徐鉉撰 同上

南唐揚州孝先寺碑

湯悅撰周世宗親征淮南駐蹕寺中讀其文賞歎之

馬令南唐書

續志考正寺卽壽甯寺李氏改為孝先碑文本殷從義作從義入宋後改為湯悅周世宗南伐時不應先有湯悅也

宋揚州建隆寺碑

增修甘泉縣志

卷二十二

碑碣

七

王禹偁撰 小畜集

宋揚州新建崇道宮碑

徐鉉撰 騎省集

宋故尚書戶部郎中王君墓誌銘

徐鉉撰 同上

揚州大明寺多寶塔記

宋郡守王化基撰 大觀圖經

揚州蓮花漏銘

宋韓琦撰 安陽集

揚州廳壁題名記

宋韓琦撰 同上

揚州大明寺水記

宋歐陽修撰 居士集

宋隴城縣令贈太常博士呂君墓誌銘

葬揚州東興鄉馬坊村歐陽修撰 同上

揚州新園亭記

宋王安石撰 荆公文集

宋廣西轉運屯田員外郎蘇君墓誌銘

葬東興甯鄉王安石撰 同上

宋朝奉郎守殿中丞前知興元府成固縣楊君墓誌銘

增修甘泉縣志 卷二十二 碑碣 八

葬東興甯鄉北原王安石撰 同上

宋揚州進士滿夫人楊氏墓誌銘

葬馬坊里南原王安石撰 同上

宋國子博士李君墓誌銘

葬廣陵王安石撰 同上

宋殿中丞楊君墓誌銘

葬東興甯鄉北原王安石撰 同上

續志考正即前宋朝奉郎守殿中丞前知興元府

成固縣楊君銘

宋殿中丞徐君墓誌銘

葬揚州會鞏撰 元豐類稿

宋仙源縣君曾氏墓誌銘

葬東興甯鄉兄鞏撰 同上

宋殿中丞致仕王君墓誌銘

葬東興甯鄉馬坊里曾鞏撰 同上

宋光祿少卿晁公墓誌銘

葬廣陵鄉曾鞏撰 同上

宋轉運使蘇君墓誌銘

葬東興甯鄉馬坊村王安石撰 荆公文集

續志考正即前宋廣西轉運屯田員外郎蘇公銘

增修甘泉縣志 卷二十三 碑碣 九

一二俱王安石撰前志俱複出

揚州龍興講院記

王安石撰 同上

邵伯埭東寺鐘銘

宋蘇軾撰 蘇文忠公集

蘇文忠公送李孝博使嶺表詩刻石

戶部主事趙瑄汝州郟縣人以兩蘇公祠墓諸碑刻見詒率俗筆惟東坡先生次韻伯固游蜀岡送叔師奉使嶺表五言詩所云新苗未沒鵲老葉初翳蟬者翻刻頗佳此石本在揚州禪智寺久斷缺什草間順

治辛丑予官廣陵求得之又次韻一篇康熙乙巳靈
隱碩揆上人來居此寺因謀陷蘇公詩於壁上人及
予兄弟賦詩紀事諸名士和之有禪智倡和詩一卷
此蓋摹揚州本也天下金石志於揚汝二州皆不及
載 居易錄

宋萬壽縣令張君夫人蘇氏墓誌銘

葬廣陵蜀岡馮家原兄頌撰 蘇魏公集

宋唐充之墓誌銘

葬揚州陳瓘撰 了齋行錄

宋仙源縣君陳氏墓誌銘

增修甘泉縣志

卷二十二

碑碣

十

葬揚州崑岡之陽楊傑撰 無爲集

宋殿直蘇君墓誌銘

葬興甯鄉馬坊原余靖撰 武溪集

宋南京留守判官贈都官郎中蘇君墓誌銘

葬興甯鄉馬坊里余靖撰 同上

宋楊都曹墓誌銘

葬揚州東興鄉馬坊原鄒浩撰 道鄉集

宋長壽縣君高氏墓誌銘

葬揚州東興鄉鄒浩撰 同上

宋徐氏夫人墓誌銘

葬東興鄉馬坊里鄒浩撰

同上

宋徐氏夫人墓誌銘

葬東興鄉馬坊里秦觀撰

淮海集

江都令羅君生祠記

秦觀撰

同上

廣陵芝室記

秦觀撰

同上

露筋祠碑

米芾書在揚州

石蹟記

曩讀王常宗露筋娘子詩心甚壯之欲一見米帖不

增修甘泉縣志

卷二十二

碑碣

十一

可得秋澗忽以見示長夏湖草邊蚊雷不知幾百萬

纔攢臭腐已自飲飫一上此女便是百千劫一段公

案中岳復為勘破今日文墨之士借以紓寫忠憤

元牘

記

大觀九域志刻

劉彥序在揚州

輿地碑目

揚州詩刻

秦觀編

同上

揚州平山堂記

宋張懷沈括洪邁樓鑰各撰文

嘉靖維揚志

揚州學陳成肅公畫像記

宋孔武仲撰 清江文集

揚州重修恭愛廟記

宋孫侔撰 嘉靖維揚志

揚州九曲池五龍廟記

宋陳造撰 江湖長翁集

揚州五通神廟祝文刻石

宋王捷撰 席上腐談

揚州重建元妙觀碑

元程鉅夫撰 雪樓集

增修甘泉縣志

卷二十二

碑碣

十三

元三至碑

史弼三官揚州州人刻石頌之號三至碑 元史本傳

元漢壽亭侯祠三絕碑

在揚州府城侯祠內蘇昌齡起句馮子振脫草趙子

昂書 廣輿記

揚州正勝寺記

元危素撰 說學齋集

揚州普門禪菴記

元危素撰 同上

重建揚州水月觀音寺記

明烏斯道撰 春草齋集

揚州董子祠記

明楊士奇撰 東里文集

揚州蕃釐觀記

明魏驥撰 魏文靖公集

續志考正魏公所撰乃上方寺碑記非蕃釐觀也

明太子太保南京戶部尚書高公墓表

在城西十里仙人掌大學士李東陽表 萬曆江都縣志

揚州進士題名記

明邱濬撰 瓊臺集

增修甘泉縣志

卷二十二

碑碣

十三

揚州府重修養濟院記

明劉翊撰 古直先生集

揚州府新築外城記

明何城撰 嘉靖維揚志

維揚魏氏南坡鶴隱記

明張昇撰 張文僖公集

江都縣學科貢題名記

明李東陽撰 懷麓堂集

按甘泉未建學與江都共

揚州府學文津橋記

明儲懽撰 柴墟集

揚州重遷董子祠記

明喬宇撰 嘉靖維揚志

揚州察院西園觀德亭記

明洪垣撰 覺山先生緒言

江都縣學明倫堂記

明教諭蔡光祖撰 嘉靖江都志

揚州重修白塔記

明王嶼撰 江南通志

維揚書院志道堂銘

增修甘泉縣志 卷二十二 碑碣 十四

明湛若水撰 嘉靖江都志

甘泉行窩記

明呂柟撰 同上

廣陵三先生祠記

明胡植撰 同上

明贈刑部主事葉公封太安人高氏墓表

在蜀岡禪智寺西原崔桐撰 東洲集

揚州府重建儒學記

明葉向高撰 蒼霞草

平山堂文徵明詩刻石

平山堂爲吾郡名勝昔賢題詠頗富而佳作特少況碑碣淪蝕舊蹟都無可尋衡山二詩恬雅春容足當絕唱家藏適有墨蹟因鐫置堂壁雖非趙宋閒物然於古刻散落之餘寒山片石猶可摩挲不去也雍正癸丑春月江世棟識時年八十 拓本

揚州府新置學田記

明鄒守益撰 東郭先生集

揚州高氏遂初園記

明鄭若庸撰 蝓蟻集

重修江都縣儒學記

增修甘泉縣志

卷二十二

碑碣

十五

明湛若水撰 雍正江都志

又

明吳桂芳撰 同上

又

明葉觀撰 同上

揚州資政書院記

明張元徵撰 嘉靖維揚志

揚州開濬市河記

明郡守吳秀撰 萬曆江都志

揚州天甯寺青龍泉記

明高宗本撰 雍正江都志

揚州萬杏集仙樓記

明王在晉撰 蘭江集

又

明黃洪憲撰 碧山學士集

廣陵卞忠貞公祠堂記

明王納諫撰 初日齋集

瓊花圖刻石

在揚州 寒山金石林

維揚書院記

增修甘泉縣志 卷二十三 碑碣

錢謙益撰 雍正江都志

揚州重修五司徒廟記

國朝王獻定撰 四照堂集

紅橋游記

國朝司李王貽上撰刻石法海寺 拓本

江都旌忠廟碑

國朝朱彝尊撰 曝書亭集

揚州重建平山堂記

國朝金鎮撰 江南通志

重修平山堂記

尹會一撰

玉勾洞天記

國朝汪懋麟撰 同上

平定青海告成太學碑

雍正十年五月奉

旨建立在江甘縣學內

重建安定書院碑記

國朝兩淮鹽政高斌 兩淮都轉鹽運使司尹會一撰

五烈婦祠碑記

國朝知甘泉縣事龔鑑撰 以上原志

增修甘泉縣志 卷二十二 碑碣 十七

唐

石幢在東隱庵年號模糊不可辨審為晚唐時物所書
乃尊勝陀羅經已缺其一

南唐

大明寺殘碑保大七年 金石萃編

宋

揚州進士題名碑記陳造撰

揚州府學藏書樓記咸淳八年在府學

元

御史箴大德三年鮮于樞書在巡鹽署

加號大成詔旨碑大德十一年在府學

皇帝聖旨碑皇慶元年在府學

揚州路學修造歲月碑泰定二年馮子振撰在府學

謹正堂記天歷某年許有王撰

揚州路學田記至元四年蘇天爵撰在府學

司徒靈顯感應之碑至正十一年總管成鐸題在司徒

廟

明

藏經敕諭碑萬歷三十年在藏經院

國朝

增修甘泉縣志

卷二十二

碑碣

六

重修法華寺功德記順治乙酉孟秋徐而捷撰在邵伯
法華寺大殿東壁碑首題銜云

欽命收撫蘇杭大將軍前鎮守直隸徐州河南河北等處地

方缺一字兵官掛鎮徐將軍印提督軍務中軍都督府

左都督李諱成缺一字

誥封榮祿一品夫人楊氏鎮標隨征游擊賈諱元徹旗鼓參

將范諱承恩功德記

甘泉山漢刻殘字

嘉慶十二年出移置府學詳藝文

孔子見老子畫像

先在射陽野田中藏甘泉汪氏

楊吳馬軍都指揮使金紫光祿大檢校殘碑

新出藏黃珏橋焦氏

重修昭佑龍王廟碑

新出在雷塘阮氏墓廬元大德五年揚州路總管達魯花赤兼管內勸農事孛蘭奚修教授馬允中撰文并書剝落二十餘字

御製重甯寺碑記

恭刊在寺

御題史可法家書及諸臣恭和詩刻

增修甘泉縣志

卷二十二

碑碣

十九

史忠正家書及復睿親王書刻

史忠正像

史忠正祠堂記知府謝啟昆撰梁巘書

俱在祠內

揚州育嬰堂記御史陳科捷撰

在堂內

重摹露筋祠米元章碑乾隆三十三年知府楊重英

在祠內

收養所碑記運使趙之璧撰

在所內

雙忠祠碑記宋李公庭姚鼎撰王文治書

在祠內

蕭孝子碑記姚鼎撰王文治書

在祠內

朱運使孝純詩刻王文治書

拾香室鈎刻十研室帖梁國治書

俱在梅花書院

重修育嬰堂記饒使蘇楞額撰

在堂內

歐陽文忠公像運使曾燠摹刻

增修甘泉縣志

卷二十二

碑碣

二十

在平山堂

重修曾襄愍祠記曾燠撰

在三元巷祠內

邗溝大王廟碑曾燠撰

在廟內

小楷金剛經葉敬書

在興教寺

小楷無量壽經

在重甯寺無書人名係興化中書徐步雲書

重摹天一閣北宋本石鼓文邑人阮元

在府學

重修斗野亭記姚文田撰

宋人題斗野亭詩孫覺蘇軾蘇轍黃庭堅秦觀張耒尤
袤凡七人白鎔書

俱在邵伯法華寺側

以上續志

三公石

阮元二郎廟蔬圃獲石記嘉慶丙寅予過揚州新城
準提庵僧舍經二郎廟蔬圃見有破石古井闌似有
字痕洗拓之乃口熙十口三公石口數字熙字之上
不完似是淳字蓋以熙爲年號踰十年者在宋惟淳
熙耳十字下似是年字爰移置準提庵東廂內并記
之

大使府甄

劉文淇考咸豐壬子歲郡城西北平山堂後之東麓
村人掘地獲古甄其文爲大使府造四字考之此甄
乃南宋時修城所造蓋南宋時守揚者例兼安撫使
之銜至紹定端平以後則制置使宣撫使定以揚州
爲治所例皆兼知揚州而使名加大字者惟賈似道
李庭芝二人似道之守揚州初授制置大使繼授安

撫大使又授宣撫大使庭芝之守揚州爲兩淮制置大使後又爲兩淮制置大使然而人喜引爲庭芝之軼事而不樂言似道之遺蹤也

今磚藏江都謝守之家

以上府續志

太平圩掘得宋紹定六年陳氏二孺人碑碣石方一尺許惟周姓長子名行簡登賢書十字可辨餘多剝蝕地券磚刻字塗朱啟視之顏色不變字載大宋國淮南東路太平鄉前志書載此鄉爲太平鄉者以此

秦泰山殘字漢西嶽華山廟碑阮文達公重摹勒石建於北湖祠塾

增修甘泉縣志

卷二十二

碑碣

三

天發神讖碑在江寧府學尊經閣下石凡三段嘉慶十年燬於火阮文達公以舊拓本重爲勒石置北湖桑榆別業

孳經室集云三國吳天發神讖碑舊在江寧嘉慶十年燬於火人間拓本皆可寶貴元家有舊本合之繁昌鮑氏舊拓本共得二百二十一字十四年春屬長洲吳國寶樵刻以昭絕學按此碑張渤吳錄以爲皇象所書張彥遠法書要錄以爲官至侍中梁書南史皇侃傳並云青州刺史惜吳志不爲立傳此碑始末見於王蘭泉司寇金石粹編等書其字體乃合篆隸

而取方折之勢卽飛白所從出亦北朝魏齊諸碑所從出隋唐以後歐陽率更之體實魏齊諸碑之苗裔而神識之體乃其鼻祖學者罕究其源流矣皇象字休明廣陵人允宜刻石置之北湖祠塾以存古鄉賢之規矐焉

劉厲王中殿殘碑四石在甘泉山惠照寺昔年伊太守墨卿嵌於府學明倫堂東壁阮文達公有獲石記

按翁閣學方綱蘇齋跋云廣陵厲王胥武帝元狩六年封宣帝時坐祝詛自殺元年初元二年復立胥子霸此文稱中殿第幾則是胥爲王時自造宮殿有此

刻文非冢中石也漢刻最在前由篆初變隸有橫直無波折若東漢之初永平六年鄗君開石門字亦未變隸字勢而遜此古勁遠矣此刻雖無歲月然考厲王國除在五鳳四年此蓋在昭宣之間視五鳳二年石字更在前耳

漢陶陵鼎蓋鑿隸書銘大字十五曰隃麋陶陵共廚銅斗鼎蓋並重十一斤小字四曰汧第卅五器鑿隸書銘大字十七曰隃麋陶陵共廚銅鼎一合容一斗並重十斤小字十六曰汧共廚銅鼎容一斗重八斤一兩第廿一阮文達公得此鼎送至焦山定慧寺與周鼎爲配又

仿鑄一鼎藏於阮氏祠

案漢書地理志隃麋汧二縣屬右扶風後漢書耿弇傳建武四年封耿况爲隃麋侯續漢書郡國志作隃麋又續漢志定陶在濟陰郡本曹國後漢屬兗州刺史部郭璞曰城中有陶邱史記曰穰侯出自陶卽其地定陶共王康元帝子哀帝父哀帝二年追尊共王爲共皇帝水經注濟水自定陶縣南又東逕秦相魏冉冢南又東北逕定陶共王陵此器云陶陵定陶共王陵也隃麋汧二邑合共此器故曰共廚銅鼎漢陵廟皆有廚三輔黃圖昭帝平陵爲小廚定陶故城在今山東曹州府定陶縣西南云

增修甘泉縣志

卷二十二

碑碣

二十六

陳氏遷湖三世墓碑

張玉書記曰陳德修者吾之鄉同里長同門而禮闈同年之好友也憶昔同舟北上朝夕與俱尙論古今得失興廢意氣豪邁且具述其先世淵源詳悉無遺余不覺喟然太息曰世德作求是傳之久遠而絲絲延延視子若孫克自振拔而有聲也公之始祖德公浙餘姚人聞係勳戚之裔以先明起兵不能保其家以珠貝密紉衣襦敝絮之中徒步來江南僦居大河時年方十餘歲耳後江滸多盜遷於淮揚北鄉周家

樓周奇其貌以女女焉所稱周氏善緣者是也舉四子長曰通隸籍鑿江次日禮世居茲土次日貴次日曰敬析居西鄉禮公之配曰李氏五娘舉二子長曰汶字以舉配朱氏妙德仲曰源字以深配紀氏清德凡三世皆葬公道橋九龍岡之西吳家嘴以世考之蓋三百有餘歲矣亦無怪乎喬木之不存壙圍之日蹙也今吾好友逝矣諸令嗣渡江爲吾母稱觴與吾兒逸少言及其始祖碑記及陳氏族譜稿敘勉以相屬家人郵寄來京余開函覽悲從中來不可復止追思當日舟中緒論恍如昨日事而今已矣三十年人琴

之感其曷有極耶雖然幸吾友之有後而愍愍然念及其先人也且幸德公之植基深厚而能使十世後之子孫振作於此日而奮然葺理也公之後裔繁衍有課耕者有筮仕者有登科甲者有蜚聲黌序者有謹守田園者皆兢兢守禮而未嘗有上人之色知其得於德公禮法爲深遠也余慕其家世清白且有懷好友因述其始末而碑以記之更爲銘曰元失其鹿羣雄共逐爰有王孫自南而北曰依於周鳳凰是卜後世寢昌天眷深篤瞻仰龍岡祥鍾陵谷肅若堂房三代相屬俎豆維馨歷年三百振振繩繩繁我公族

瓊花觀粥廠碑

丹徒嚴壽彭撰記

以上新增

增修甘泉縣志

卷二十二

碑碣

三六

